


SIUNNERSUUT

**KOMMUNIMUT PILERSAARUMMUT TAPILIUSSAQ 30C2-2
ATTERTUMUT-MI EERTASIMAPPIMUT-MILU QITERISAQARFIK,
TASIILAQ
OKTOBARI – 2025**



KOMMUNEQARFIK SERMERSOOQ

Sanarfinermut Avatangisnullu Ingerlatsivik
Forvaltning for Anlæg og Miljø

KOMMUNIMUT PILERSAARUMMUT TAPILIUSSAQ SUNAAVA / ILLOQARFIMMUT PILERSAARUT?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisissaannik Namminersorlutik Oqartussat nalunaarutaat nr. 4, 25. januar 2024-meersoq) pisussaavoq, kommunimut pilersaarut pisariaqartutigit malinnaatitsissalluni. Nutarterineq taanna ingerlanneqartarpoq kommunip pilersaarutaanut allannguutiniq pineqartunik imaluunniit pilersaarummut ilassutissanik nutartikkanik ilanngussuarnikkut.

Kommunimut pilersaarummut ilassutip pigilerneratigit immikkoortup ilaanut pineqartumut najoqqutassatut aalajangersakkat allanngortinneqassapput, najukkamilu pilersaarutit pilersinneri taamaallaat immikkoortup ilaani immikkoortumut sukumiisumik aalajangersakkanut allannguissalluni.

Kommunalbestyrelse kommunimut pilersaarummut tapiliussamik imaluunniit illoqarfimmut pilersaarummik nunaminertamik atuinissamut sanaartukkanullu tunngasunik aalajangersagartalimmik sukkulluunniit suliaqarsinnaatitaavoq. Tassunga atatillugu Kommunalbestyrelse illoqarfimmut pilersaarummik sukumiisumik aalajangersagartalimmik pilersaarusiortussaataavoq:

- Nuna tamakkerlugu pilersaarusiornernup kommunillu pilersaarusiornernata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Pilersaarummi uani tunngavigineqartut marluupput, **NASSUIAAT** aamma

AALAJANGERSAKKANUT TUNNGASUT.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq allaaserineqassapput.
- **AALAJANGERSAGARTAA AALAJANGERSAKKANIK** pilersaarummik piviusunngortitsinermi malinnaatitsissutigineqartussanik imaqarpoq. Aalajangersakkat aalajangersakkanut pingaarnernut aamma aalajangersakkanut sukumiisunut avitaapput. Illoqarfimmi pilersaarutitut kommunimut pilersaarummi pingaarnertut najoqqutassatut aalajangersakkat allaqqapput. Aalajangersakkat tamarmik inatsisitigit pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit aalajangersakkat pillugit immikkoortoq inatsisitigit pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimit tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutit imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutit inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una Kommunimut pilersaarummut tapiliussassatut siunnersuut 30C2-2 Attertumut-mi Eertasimappimut-milu Qiterisaqarfik, piffissami **15. oktobari – 26. novembari 2025** tungaanut tusarniutigisassanngorlugu

tamanut saqqummiunneqassaaq. Oqaaseqaatit kingusinnerpaamik 26. novembari 2025 uunga nassiunneqassapput:

plan@sermersooq.gl

PILERSAARUT SUMI ATUARNEQARSINNAAVA?

Pilersaarut kommunip nittartagaani www.kp.sermersooq.gl-mi atuarneqarsinnaavoq, imaluunniit Sanarfinermut Avatangiisinullu Ingerlatsivimmut imaluunniit plan@sermersooq.gl-mut saaffiginninnikkut pilersaarut tunniunneqarsinnaavoq.

IMARISAI

1. NASSUIAAT	5
1.1 PILERSAARUSIORFIK	5
1.2 SIUNERTAT AAMMA TUNNGAVIIT	6
1.3 PISSUTSIT PIOREERSUT	7
1.4 PILERSAARUMMI PINGAARNERIT	11
1.5 PILERSAARUSAIMUT ALLANUT TUNNGATILLUGU PISSUTSIT	14
1.6 PILERSAARUMMUT TAPILIUSSAP INATSISITIGUT ATUUFFII	15
2. AALAJANGERSAKKAT	17
3. AKUERSISSUTEQARNERMI ATSIORNERIT	24
4. ILANNGUSSAT	25

1. NASSUIAAT

1.1 PILERSAARUSIORFIK


Immikkoortup ilaa 30C2 Tasiilap avannarpasissortaan inissisimavoq 8,6 ha.-nik annertussuseqartoq.

Immikkoortup ilaa immikkuualuttunut marlunnut agguataagaavoq:

A – Attartumut

B - Eertasimappimmut

Immikkoortoq Prinsesse Benediktup Aqqulaani inissiaqarfiup ataatungaani kitaanit qaqqap sinaanit kangiani kangerlummum inissisimavoq. Immikkoortup avannaaniippoq inissiaqarfik 30A6 aamma umiarsualivik avannarleq 30D7. Kujammum immikkoortoq inissiaqarfinnik 30A4, 30A5 aamma 30A1 killegarpoq.



Takuss. 1// Immikkoortup ilaa 30C2

1.2 SIUNERTAT AAMMA TUNNGAVIIT

Pilersaarusionermut periusissiaq 2023-mi kommunimi innuttaasut katitigaanerisa nikeriarnerat malillugu inissianik pisariaqartitsineq naammassiniarlugu ukkataqarfiuvoq. Pilersaarusionermut periusissiami ima allaqqavoq:

” +65-inik ukiullit ukiuni kingullerni amerliartorput aamma amerliartornerat ataatsimut isigalugu sulí taamaaginnassangatinneqarpoq. [...] Sermersuumi qulakkiissavarput utoqqaat angerlarsimaffiinik imaluunniit iluaqusersuutitaqartunik najugaqarfinnik allaanerusunik pilersitsisoqarsinnaanera, ineriartornerup [aamma] misigisatta pisariaqartitaanut naapertuuttunik.”

Napparsimmavimmut B-81-mut uiggiullugu nutaamik utoqqaat illuliorneq, pilersaarummut toqqammavimmi matumani periarfissaalissaaq.

Aamma pilersaarummut toqqammavimmi inissiat uiguleriiaat B-1000 aammalu ilaqutariinnik sullissiviup B-155 isaternissaat periarfissaalissaaq sanaartorfissat iluanni nutaani, ullutsinnut naleqquttunik atuuffeqalernissaa periarfissinniarlugu. Taamatuttaaq B-1600 – Pilersuisoq aamma B-80 allineqarnissaa periarfissaalissaaq erngup nukinganik nukissiorfiup immikkoortup ilaani 30E13-mi inissisimasup allineqarnissaanut atatillugu.

Tasiilami immikkoortuni sanaartukkat eqiteriffiusut avataanni qimmit katersuutikkumallugit, immikkuualuttumi pineqartumi qimmeqarfinnik pilersitsinissaaq maannangaq periarfissaaajunnaarpoq.

PILERSAARUMMI SIUNERTAT TUNNGAVIILLU

- Utoqqaat illussaannut sanaartorfissamik immikkoortitsineq napparsimmavimmut uiggiullugu. Taamatut inissinikkut suliffeqarfiit taakkua marluk ataatsimut sanaartorneqarsinnaapput ininillu avitseqatigiillutik.
- Illut uiguleriiaat B-1000 aamma ilaqutariinnik sullissiviup B-155 isaternissaanut periarfissiinissaaq nutaanik ullutsinnut naleqquttunik sullissivimmi atortoqalernissaa periarfissinniarlugu.
- Pisiniarfiup B-1600 kiisalu B-80 allinissaanut sanaartorfissanik immikkoortitsineq erngup nukinganik nukissiorfiup allinissaanut atatillugu koblings- / transformerstationip allinissaanut inissaqartitsiumalluni.




Takuss. 2 // Illut siunertaat tunngaviilu allaaserisat

1.3 PISSUTSIT PIOREERSUT

EQITERIFFIUSUT AAQQISSUUSSAANERAT

Tasiilami eqiteriffiusut aaqqissuussaananerattamakkiiisoq, Kommunimut pilersaarummi sukumiinerusumik allaaserineqarpoq, tassani Tasiilami eqiteruffiusut pingasut saqqummiunneqarput: Kuup kujataata tungaani arsaattarfiup aamma Hotel Angmagssalik eqqaani qiterpasissoq, aammalu kuup avannaata tungaani qiterpasissut marluk. Illoqarfiup oqaluttuarisaanermut tunngasortaata nalaani qiterpasissup aappaani aammalu pisortat sullissiviisa eqqaanni aammalu pisiniarfiup eqqaaniittoq maannakkut immikkoortup ilaanut atapput.



 Immikkoortup ilaanik killeqarfiliineq

 Illoqarfiup qitia


 Illoqarfiup ilaani eqiteriffiusoq

Takuss. 2 // Tasiilami eqiteriffiusut aaqqissuussaananerattamakkiiisoq

ATUUFFIIT PIUSUT

Immikkuualuttoq A, illoqarfimmi qitiusumik atuuffinnik pingaarnernik imaqarpoq, taakkununnga ilaapput: Pilersuisoq, kalaalimineerniarfik aamma Stark, kiisalu pisortat suliffeqarfii soorlu Tasiilami Alivarpik aamma meeqqerivik Mikisoq. Immikkoortumi sukisaarsarfittut periarfissat allat ilanngullugit tamanna illoqarfimmi immikkoortut naapittarfiusut ilagaat.

Immikkuualuttoq B-mi inissisimapput pisortat suliffeqarfii arlallit tassunga ilaalluni; Napparsimmavik aamma meeqqanut ilaqutariinnullu sullissivik. Kangerluup kitaani anartarfiit puussiaanik imaarsivik aamma containerinut inaalitsivik ipput. Pisortat suliffeqarfii qulaani taaneqartut taaneqartut saniatigut, immikkoortumiipput ilaqutariit ataatsit illui, uigulukuttunngorlugit sanaartukkat aamma kollegiat.



- Immikkoortup ilaanik killeqarfiliineq
- - - Immikkuualuttumik killeqarfiliineq
- Najugaqarfik
- Pisiniarfeqarneq
- Pisortanit ingerlatsiviit
- Sukisaarsarfittut atuuttut


Takuss.4 // Immikkoortup ilaani atuuffiit

SUKISAARSARFITTUT AAQQISSUUSSAT

Immikkuualuttumi A sukisaarsarfittut atuuttut arlallit piupput eqiteriffiusumi qorsooqqinnersami aamma immikkoortumi masattumi, masarlummi. Tassunga ilanngullugit Tasiilami timersortarfik, kalaalimineerniarfiup eqqaani multibani aamma pinnguartarfiit arlallit. Masarluk sanaartorfigineqartariaqanngilaq, tamanna immikkoortuni sukisaarsarfittut atuuttunut tapersersuutaanngilaq.

Aasakkut sumiiffik sukisaarsarfittut atuuppoq, soorluttaaq ukiukkut tamaanna qimussit illerngi atugaapput. Pilersaarutitut tunngavik manna atorlugu aaqqissuussat sukisaarsarfiusut qulakkeernegarnissaat kissaatigineqarpoq.

Immikkoortoq qimmeqarfittut aamma angallatinut inaalitsivittut atuuppoq nunaminertamik atugassiinertaqanngitsumik. Illoqarfiup qeqqani toqqissisimanissaq eqqarsaatigalugu maannakkut pilersaarummut toqqammaviusoq atorlugu immikkoortup iluani tamaani qimmeqarfiliornissamut periarfissaarutivissaaq. Illoqannginnersap qorsortap sukisaarsarfittut atorneqarnissaa qulakkeerniarlugu sumiiffik tamanna sivilisiumik inaalitsivittut atorneqarsinnaajunnaavissaaq.




-  Immikkoortup ilaanik killeqarfiliineq
-  Immikkuualuttumik killeqarfiliineq
-  Qorsooqqissoqarfik
-  Pinnguartarfik
-  Timersornermik ingerlatsiviit

Takuss. 5 // Sukisaarsarfittut aaqqissuussat

AQQUSERNGIT AAMMA AQQUSINEEQQATUT AAQQISSUUSSAT

Immikkoortup ilaata ilisarnaatigaa biilinit pisuinnarniillu assut ingerlaarfingineqarneq. Immikkoortumi pisortat atuuffii pissutigalugit, tamanna immi angallannermik kajumissuseqalersitsivoq immikkoortoq illoqarfimmi inooqatigiit naapiffiattut atuunna tunngavigalugu.

Immikkoortup ilaani aqqusineeqqat illoqarfik akimorlugu aqqutissanik qaninnerusunik pilersitsisut eriagineqassapput imaluunniit allanngortinneqassapput, qulakkeerumallugu Tasiilami pisuinnartut ingerlaartarneq sulikajuminnartooqullugu.



- Immikkoortup ilaani killeqarfiliineq
- - - Immikkuualuttumik killeqarfiliineq
- Angallaffiusunut aqqusineq pingaarneq
- Sumiiffinni aqquserngit
- Aqqusineeqqat
- - - Inooqatigiit naapittarfiat
- ↔ Aqqutissat atassuteqartut pingaarnerit

Takuss. 6 // Immikkoortumi aqquserngit aqqusineeqqallu

1.4 PILERSAARUMMI PINGAARNERIT

ALLAATIGINNINNEQ


Kommunimut pilersaarummut tapiliussami matumani aalajangersarneqarpoq immikkuualuttut ilaat A aamma B immikkoortup 30C2-p ilaaniittut sinaakkusersorneqarneri. Pilersaarummut toqqammavimmi immikkoortinneqarpoq napparsimmavimmut atasumik pisortat utoqqaat illuliornissaannut sanaartorfissaq. Taamatuttaaq suliffeqarfinnik nutaanik maannakkut B-1000 aamma B-155-ip inissisimaffiani sanaartortoqarsinnaalissaaq, B-80 allineqarsinnaalerluni aammalu B-1600 allineqarsinnaalissalluni aqquserngup allanngortinnera ilanngullugu.

Pilersaarummut toqqammaviup matuma akuersissutigineratigut immikkuualuttumi qimmeqarfinnik pilersitsinissaq periarfissaajunnaarpoq. Tassunga pissutaavoq najugaqatigiiffimmi najugaqartut.

ATORNEQARNERA

Kommunimut pilersaarummut tapiliussami immikkoortup qiterisaqarfiunera attatiinnarneqassaaq tamaani najugaqarfiit, suliffeqarfiit aamma pisortat suliffeqarfiutaat periarfissaaginnassapput. Immikkuualuttumi sanaartorfissat 3 pilersinneqarput, taakkunannga ataaseq ataani allaaserineqartutut immikkut atorneqassaaq aamma tamakkiisumik sinnaakkutissatut aalajangersakkat naapertorlugit.

- Sanaartorfissaq 1 & 5: Meeqqerivinnut, inissianut aamma/imaluunniit inuussutissarsiortunut mingutsitsinngitsunut atungassanngortinneqarpoq.
- Sanaartorfissaq 2: Pisortat pilersuineri ingerlatsiviutaanut koblings-/transformerstationimut sanaartorfissatut tunniunneqarpoq.
- Sanaartorfissaq 3: B-1600-p allissutissaanut sanaartorfissatut tunniunneqarpoq.
- Sanaartorfissaq 4: Pisortat napparsimmavimmut uiggiullugu utoqqaat illuliornissaannut immikkoortinneqassaaq.



Takuss. 7 // 30C2-mi sanaartorfissat

ILLULIORTAASEQ

Kommunalbestyrelse Illuliortaatsimut Politikkimik akuersissuteqarnikuuvoq, tassani kommunimi ilaatigut nutaanik sanaartornermi naleqartinneqartut allassimallutik.

Naleqartitat ilagaat:

ILLULIORTAASEQ KINAASSUSEQALERSITSISOQ

- inoqarfiit pilersaarusiortfiginerat ineriartortitsiffignerallu inoqarfiit ilisarnaataannik aallaaveqassasut

INISSIAT INUUNERULLU PITSAASSUSIA

- inissiat tamarmik timikkut tarnikkullu ataqqinassusilimmik inuuneqarnissamut tunngaviliissapput
- nutaamik illuliornerit, nutaamik allanngortiterinerit sumiiffimmi pitsaassutsimik ataqqinninneq tunngavigalugu ingerlanneqassasoq, aamma isigisat atuuffissaasalu ersarissuutinnissaat pingaartillugit

ILLOQANNGINNERSAT ILLOQARFIMMILU INUUNEQ

- illoqarfitta nunaqarfittalu tamatigoortuulernissaat, pitsaasunik toqqissisimanartunillu kikkunnulluunniit atuuttunik illoqannginnersaqarnissaat
- illoqannginnersat pigisavut ukiut inuunermilu qanoq inissisimaffeqarneq apeqqutaatinnagit orniginarsarneqarsinnaassasut, illoqannginnersanilu inuit biilinit salliutinneqarnerullutik.

PIFFISSAQ SUMIIFFISSARLU

- Illut sanaartukkallu nutaat sumiiffiup pitsaassusiinik qaffassaasuussapput, piffissaq atuuttoq eqqumaffigineqassaaq, piffissarlu qaangiutereersoq siunissamilu pisussat ataqqineqarlutik.
- nunap ilusaa pioreersoq sumiiffimmilu silap pissusia aallaavigalugit pilersaarusiortoqassaaq, sanaartortoqarluni atortulersuisoqarlunilu.

NUNARSUARMİ ANGUNIAKKAT:

Pilersaarummi nunarsuarmi anguniakkat makku kalluarneqarput:



Takuss. 8 // Nunarsuarmi anguniakkat attuumassutillit

1.5 PILERSAARUSAIMUT ALLANUT TUNNGATILLUGU PISSUTSIT**1.5.1 NUNA TAMAKKERLUGU PILERSAARUSIORNEQ**

Kommunimut pilersaarummut tapiliussaq nuna tamakkerlugu pilersaarusiornermut naapertuuppoq.

1.5.2 KOMMUNIMUT PILERSAARUT

Kommunimut pilersaarummut tapiliussamut siunnersuut kommunimut pilersaarummut atuuttumut naapertuutinngilaq, immikkoortut ilai 30A1, 30C1 aamma 30C2 killegarfii allanngortinneqassammata.

B-nr.-ut uku 30C2-miit 30A1-mut nuutinneqarput:

B-152, B-764, B-765, B-769, B-770 aamma B-1098.

B-nr.-ut uku 30C2-miit 30C1-mut nuutinneqarput:

B-81 aamma B-183.

**1.5.3 QANGANITSAT ERIAGISASSAT IMAALIALLAANNARLUGIT
PEERNEQARSINNAANNGITSUT**

Sumiiffimmi qanganitsanik eriagisassaqaarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

1.5.4 AVATANGIISEQ

Assaanermi paasinarsippat immikkoortumi nuna mingutsitaasoq Kommuneqarfik Sermersooq erngertumik ilisimatinneqassaaq.

Eqqakkanik avatangiisimut navianaatilinnik suujunnaarsitsinerit, assersuutigalugu nuna uuliamik mingutsinneqarsimasooq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

1.5.5 TEKNIKKUT PILERSUUTIT

Inissialiat nutaat pisortat innaallagissamut imermullu aqqutaataannut aamma kuuffissuarnut attavilerneqassapput.

Innaallagissamik, imermik kissamillu pilersuinermut aqgutit aamma kuuffissuit nunap iluatigoortinneqassapput.

Immikkoortup ilaani pisortat teknikkkut atortulersuutaat, soorlu immikkoortup ilaanut pilersuinernut sakkortusaaviit imaarsaatillu inissinneqarsinnaapput. Inissinissaq Nukissiorfiup Kommuneqarfik Sermersuullu akornanni isumasioqatigiinnikkut pissaaq.

KIASSARNEQ

Immikkoortup kiassarneqarnissaa Nukissiorfinni malittarisassat malillugit pissaaq.

KUUFFILERSUINEQ

Inissialiat imikoq pillugu iliuusissatut pilersaarut naapertorlugu pisortat kuuffissuaataannut attavilerneqassapput.

Nunap qaavani imeq, tamatumunga ilanngullugu imeq illup qaavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, pisuinnaat aqqutaannut, aqqusinernut sanaartorfiunngitsunullu akornusersuutaassanani.

EQQAAVILERINEQ/ANARTARFILERINEQ

Immikkoortoq Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

APUTAAJAANEQ APUTILLU ASSARTORLUGU PIIARNEQARTARNERA

Immikkoortup ilaani eqikkaanikkunik aputinut kueraaveqarnissaq annikillisissavaa. Kommuneqarfik Sermersuumi aqqusernit aqqusineeqqallu ingerlanneri pillugit malittarisassaq atuuttoq malillugu tamaani immikkoortumi apummik issoraavissaqarnissaa qulakkeerneqassaaq.

1.5.6 PILERSAARUTINIK ATORUNNAARSITSINEQ

Matumani kommunimut pilersaarummut tapiliussassatut siunnersuutip 30C2-2 akuersissutigineqarneratigut 30C2-1 atorunnaarsinneqassaaq.

1.5.7 TAMANUT SAQQUMMIUSSINEQ

Siunnersuut sapaatit akunnerini 6-ni tamanut tusarniaassutigineqassaaq, piffissami 15. oktobarimiit 26. novembarip 2025 tungaanut

1.6 PILERSAARUMMUT TAPILIUSSAP INATSISITIGUT ATUUFFII

1.6.1 INATSISITIGUT ATUUFFIUGALLARTUT

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerlilisinnaanermut piffissaliussap naareernerani, piffissaagallartillugu akerliliissutinik tigusaqartoqarsimanngippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput - taamaattoarli siunnersuutip saqqummiunneranit sivilunerpaamik ukiumi ataatsimi. (Pilersaarusiortarnermut inatsimmi § 31 imm 3).

1.6.2 INATSISITIGUT INAARUTAASUMIK ATUUTILERSINNEQARNERA

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit. (Pilersaarusiornermut inatsit § 29).

Kommunimut pilersaarummut tapiliussaq una inaarutaasoq tamanut nalunaarutigineqareerpat pissutsit pilersaarummi aalajangersakkanik unioqqutitsisut pissusiviusulluunniit pilersinneqarsinnaanngillat. (Pilersaarusiornermut inatsit § 30).

Taamaattorli pisut ilaanni illoqarfiup ilaanut pilersaarutip sukumiisumik aalajangersagartai immikkut ittumik akuersinikkut annikitsumik allaanerutinneqarsinnaapput. Tunngavissatut pingaarnertut aalajangersakkanit malunnaatilimmik allaanerusut sanioqqutsinerillu pitillugit tamanna nutaamik kommunimut pilersaarummut tapiliussamik pisariaqartitsissaaq. (Pilersaarusiornermut inatsit § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliomerit kommunimut pilersaarummut tapiliussamut akerliussanngillat.



Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Kommunalbestyrelsip makku aalajangersakkat *"Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq (Pilersaarusiornermut inatsit)"* malillugu aalajangersarneqarput.

Aalajangersakkat § 20 aalajangersakkanut pingaarnernut aamma § 22 aalajangersakkanut sukumiisunut avitaapput.

Aalajangersakkat tamarmik inatsisitigut pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Pingaarnertut aalajangersakkat pilersaarummi tunngavigineqarput, taamaattumillu aalajangersakkanit taakkunannga immikkut ittumik akuersissuteqartoqarsinnaanani.

§ 20 PINGAARNERTUT AALAJANGERSAKKAT PIOREERSUT	§ 20 PINGAARNERTUT AALAJANGERSAKKAT NUTAAT
IMMIKKOORTUP ILAATA KILLILERSORNEQARNERA	
 8,6 HA	 Immikkoortoq pilersaarusiorfiusoq nunap assingani ilanngussami takutinneqartutut killeqarfilersorneqarpoq agguataarneqarlunilu. Immikkoortup ilaa tamanna 7,7ha missaannik annertussuseqarpoq.
1. SIUNERTAQ	
NALINGINNAASUMIK ATUINEQ: C – Siunniussanut ataatsimoorussanut immikkoortoq	NALINGINNAASUMIK ATUINEQ: C – Siunniussanut ataatsimoorussanut immikkoortoq

2. ATUINEQ	
imm.:1. Immikkoortup atuuffissaa qiterisaqarfittut siunissanut aalajangersaaffigineqassaaq immikkoortunut C-aalajangersakkat tamanut atuuttut innersuussutigalugit.	imm.:1. Immikkoortup atuuffissaa qiterisaqarfittut siunissanut aalajangersaaffigineqassaaq immikkoortunut C-aalajangersakkat tamanut atuuttut innersuussutigalugit.
3. SANAARTUKKAT	
imm.:1. Sanaartukkat nutaat portunerpaaffimmikkut 10 meterinik portutigisunngorlugit aamma 2,5-inik quleriinngorlugit sanaartorneqarsinnaapput.	imm.:1. Sanaartukkat nutaat pingasunik qulereeqarsinnaapput, nunamiillu illup qaliata nuuanut uuttorlugu 19 meterinik portunerpaaffeqassallutik. imm.:2. Qaliat quleriit natermiit sivinganeranut (trempehøjde) 1m ataallugu portussusillit najugaqarfigineqarsinnaapput qaliat quleriit amerlassusiannut kiseqataatinngikkaluarlugit illut portussusissaat pillugu tamanut aalajangersakkat innersuussutigalugit aamma kommunimut pilersaarut 2036-mi qaliat quleriit amerlassusiat innersuussutigalugu.
4. INISSAQASSUSIA SINNERUTTOQ	
imm.:1. Sanaartorfissatut atugassiissutit atorineqareerpata, immikkoortoq tamakkerluni sanaartorfigineqareersutut inissaqartitsiffiunngitsutullu isigineqalissaaq. Sanaartukkanut attuumassuteqartunik sanaartukkat minnerit 12,5 m2-imiit annertunerunngitsut sanaartornissaannut akuersissuteqartoqarsinnaavoq, aatsaalli ikuallattoortoqarsinnaaneranut ungasissutsimut, aqqusinnermut il.il. piumasaqaatit eqquutsinneqarsinnaappata.	imm.:1. Sanaartorfissatut atugassiissutit atorineqareerpata, immikkoortoq tamakkerluni sanaartorfigineqareersutut inissaqartitsiffiunngitsutullu isigineqalissaaq. Sanaartukkanut attuumassuteqartunik sanaartukkat minnerit 12,5 m2-imiit annertunerunngitsut sanaartornissaannut akuersissuteqartoqarsinnaavoq, aatsaalli ikuallattoortoqarsinnaaneranut ungasissutsimut, aqqusinnermut il.il. piumasaqaatit eqquutsinneqarsinnaappata.

imm.:2. Immikkoortumi teknikikkut atortulersuutilisoqarsinnaavoq, teknikikkut atortulersuutilersornermut aalajangersakkat atuuttut naapertorlugit, linki nalinginnaasoq.	imm.:2. Immikkoortumi teknikikkut atortulersuutilisoqarsinnaavoq, teknikikkut atortulersuutilersornermut aalajangersakkat atuuttut naapertorlugit. Teknikikkut atortulersuutinit maannakkut aqquserngit, aqquteeqqat, aqquserngit sinaanni killiliussat titarnerit il.il. ataqqineqassapput.
5. ERIAGISARIAQARTUT	
Immikkut aalajangersagaqanngilaq	Immikkut aalajangersagaqanngilaq
6. ISUMANNAALLISAANERMUT KILLEQARFILIUSSAT	
Immikkut aalajangersagaqanngilaq	imm.:1. Sanaartorfissat eqqaanni nunaminertat annaassiniartartut angallassissutaannut atugassiat naammattut sanaartorneqassapput sanaartornermi maleruqqusaq atuuttoq naapertorlugu.
7. ANGALLANNEQ PILERSUINERLU	
imm.:1. Sumiiffik Nappartsimavimmur-mit, Mikip Aqqulaa-mit aamma Naasuliartarpimmut-imit aqqusineqarpoq.	imm.:1. Sumiiffik Nappartsimavimmur-mit, Mikip Aqqulaa-mit aamma Naasuliartarpimmut-imit aqqusineqarpoq.
8. ILLOQARFIMMI NUTARERINEQ	
Immikkut aalajangersagaqanngilaq	Immikkut aalajangersagaqanngilaq
9. IMMIKKOORTUT QULINGILUAT	
Immikkut aalajangersagaqanngilaq	Immikkut aalajangersagaqanngilaq
10. NUNA TAMAKKERLUGU PILERSAARUSIORNERMI SOQUTIGISAT	
Immikkut aalajangersagaqanngilaq	Immikkut aalajangersagaqanngilaq
11. NUNAMINERTAT SANAARTORFIUSUSSAANNGITSUT	
imm.:1. Masarsoqarfik sanaartorfigineqassanngilaq	imm.:1. Masarsoqarfik sanaartorfigineqassanngilaq

§ 22 NAJUKKAMI IMMIKKOORTUMUT AALAJANGERSAKKAT SUKUMIISUT

1. SANAARTUKKAP INISSISIMAFFIA

- imm.:1. Ilanngussaq 2-mi takutinneqartutut sanaartorfissat tallimat atugassiissutigineqarput.
- imm.:2. Nutaamik sanaartukkat taamaallaat sanaartorfissani ilanngussaq 2-mi takutinneqartutut inissinneqarsinnaapput
- imm.:3. Sanaartorfissat tulluuttut immikkut atorineqartussanngorlugit tunniunneqarput:
- Sanaartorfissaq 2:
Pisortat pilersuinermit ingerlatsiviutaanut koblings-/transformatorstationimut sanaartorfissatut tunniunneqarpoq.
- Sanaartorfissaq 3:
B-1600-p allissutissaanut sanaartorfissatut tunniunneqarpoq.
- Sanaartorfissaq 4:
Pisortat utoqqaat illuliassaannut immikkoortinneqarpoq.
- imm.:4. Annaassiniarnermi aqut ammasoq nunap qaavata naqqatalu portussusiat 10,8 m-nik qaangissanngilaa sanaartornermi maleruagassat atuuttut aammalu najukkami annaassiniarnermi atortut naapertorlugit.

2. INISSIALIAP ISIKKUA

SILATAASA ISIKKUI

- imm.:1. Qalipaatisat – illut ataasiakkaat qalipaatinik pingasunit amerlanerusunik qalipanneqassanngillat. Qalipatit taakkua igalaanut matunut qaliap sinarsuanullu il. il. ilaapput.
Illut silatai qangatut qalipaasersorneqassapput, tamanna ilanngussami 3-mi erseqqissarneqarpoq.
- imm.:2. Illup saqqai qillissusissaq 40 qaangissanngilaa.

QALIAT

- imm.:3. Qaliap qaavi qernertunik qalissialersorneqassapput imaluunniit illup saqqaata atortuisa assinginiq qallersorneqassapput.
- imm.:4. Qaliai minnerpaamik 7°amma annerpaamik 45° sivingatinneqassapput.

IGALAAT MATULLU

- imm.:5. Inunnik najuuffiusartumik tamanit ornigarneqartartumit inuussutissarsiuteqarnermi, aqquuserngup nalaani illup saqqaai minnerpaamik 30%-inik igalaaqassapput.
- imm.:6. Sammisanut sullitanut tunngassuteqartut isaariaat, soorlu pisiniarfiit/pisianik tunioraavit aamma allaffeqarfiit inini allerni inissinneqassapput

ELEVATORIT, MAJUARTARFIIT AAMMA MAJORALLAFFIIT imm.:7. Elevatorit illup timitaanut ilaatinneqassapput. SILAANNARISSAATIT imm.:8. Silaannarissartarfiit aqqusinernit aqqusineeqqanilluunniit tamanit ingerlaffigineqartartunit takuneqarsinnaassanngillat. imm.:9. Silaannarissartarfiit teknikkikkullu atortut illup titartarneqarneranut ilaasutut ikkussuunneqassapput. ALLAGARTARSUIT imm.:10. Allagartarsuit qaamaqqusersugaassanngillat allatulluunniit avatangiisinut akornutaassanatik. imm.:11. Sanaartukkani ataasiakkaani suliffeqarfiit attuumassutillit kiisalu mittarfiup ingerlanneqarneranut isumannaallisagaanerannullu tunngasunik kisimik suliffeqarfik pillugu allagartaliisinnaapput, suliffeqarfiullu aqqanik suuneranillu taamaallaat paasissutissartaqarluni.	3. AQQUSERNGIT AQQUSINEEQQALLU
imm.:1. Immikkoortumi aqquserngit aamma aqqusineeqqat ilanngussaq 2-mi takutinneqartut aamma kommunip ilitersuinera naapertorlugu suliarineqassallutik. imm.:2. Aqquserngit aqqusineeqqallu qullilersorsimanissaat qulakkeerneqassaaq. imm.:3. Sanaartorfissaq 3-mi nunaminertamik piginnittumut pisussaaffiuvoq aqquserngup qanittumiittup allanngortinneqarnera, ilanngussaq 2 naapertorlugu. imm.:4. Sanaartorfissaq 1 aqqusernimit B-247 aamma B-80-p silataanni uninngaartarfik aqquaalugu ingerlavoq. imm.:5. Aqqusineeqqat minnerpaamik 2 meterinik silissusilerlugit pilersinneqassapput. Aqqusineeqqat ujaraaqqanik, flisinik qallerneqassapput imaluunniit ikaartarfusutut qisunnik, sisammik assigisaannilluunniit sanaajussallutik. imm.:6. Biilinit inissiisarfiit pillugit ileqqorineqartoq naapertorlugu biilinit inissiisarfiortoqassaaq, kommunip pilersaarutaanut atuuttumut aalajangikkamik. imm.:7. Unittarfiit pillugit ileqqorineqartoq naapertorlugu biilinit unittarfiliortoqassaaq, kommunip pilersaarutaanut atuuttumut aalajangikkamik. imm.:8. Sukumiisumik naliliineq aallaavigalugu naammattunik biilinit innaallagiatortunut inissiiffissanik aamma immiisarfinnik pilersitsisoqassaaq.	4. NUNAMINERTAT SANAARTORFIGEQQUSAANNGITSUT SUNNGIFFIMMILU ATORTULERSUUTIT
imm.:1. Sunngiffimmi sammisassaqaqtitsiviit qullilersorsimanissaat qulakkeerneqassaaq.	5. TEKNIKKIKKUT ATORTULERSUUTIT

- imm.:1. Sanaartukkat nutaat pisortat sarfap erngullu aqqutaataannut aamma kuuffissuarnut attavilerneqassapput.
- imm.:2. Sanaartukkat nutaat kiassarnermik pilersorneqarnerat Nukissiorfiit isumasioqatigalugit aalajangersarneqassapput.
- imm.:3. Pilersuineranut aqqutit tamarmik nunamut matoorneqarsimassapput.
- imm.:4. Ledninginik allap allangortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq. Allangortiterisoqarnerani nutaanik ledningilersuinermit ledninginik piginnittoq ledningilersuinermit atortunut tamanut akiliissaaq namminerlu ledningini pillugit suliaqassalluni.
- imm.:5. Immikkoortup ilaani pisortat teknikikkut atortulersuutaat, soorlu immikkoortup ilaanut pilersuineranut sakkortusaaviit imaarsaatillu inissinneqarsinnaapput. Nukissiorfiit isumasiorlugu sakkortusaaviit imaarsaaviillu inissinneqassapput. Pisortat teknikikkut atortulersuutaannit aqquuserngit, aqquteeqqat, aqquuserngit sinaanni killiliussat titarnerit il.il. ataqqineqassapput.

6. NUNAMINERTAT SANAARTORFIGINEQANNGITSUT

- imm.:1. Sanaartorfissagissaanermi, sanaartornermilu sapinngisamik nuna mianerineqassaaq. Nuna innarligaq ilusaatut ilerseqqinneqassaaq, aamma nunaminertaq qaartiternerlukunik qaartiterinermi siammaassimasinnaasunik assartuinermiluunniit katagarneqarsinnaasunik qaartiternerlukuiarneqassaaq.
- imm.:2. Qaartiterinermi ujaqqat atunngitsuukkat Kommuneqarfik Sermersuumit pigineqarput.
- imm.:3. Sumiiffiit sanaartornissamut attaveqaasersuutinullu imaluunniit sukisaarsaarnermi atortunik pilerlugit atugassanngortinneqanngitsut sanaartorfigineqassanngillat aamma pissutsimittut isikkoqartinneqassapput.
- imm.:4. Nunaminertat sanaartorfigineqanngitsut sivilisunerusumik inaalitsivittut atortussanngorlugit aaqqissuussat avataaniittut atorneqassanngillat. Sivilisunerusumik inaalitsivittut atuuttut tassaapput qaammat 1 sinnerlugu atuuttut
- imm.:5. Immikkuualuttoq qimmeqarfittut pilersitsivigineqassanngilaq.
- imm.:6. Aputinik inissiiartorneq immikkoortup iluinnaani pissaaq taavalu Kommuneqarfik Sermersuumit immikkut akuersissuteqartinnani allanut inissiisoqassanani. Apummik issoraavik immikkoortumi tassani ulluinnaani ingerlatsinermut akornutaassanngilaq Kommuneqarfik Sermersuumilu aqqutsinernik aqqusineeqqanillu ingerlatsinermut malittarisassanik atuuttunik malinnissalluni.

7. ERIAGINNINNEQ


Immikkut aalajangersagaqanngilaq

8. PINNGORTITAMIK ILLERSUINISSAMIK SOQUTIGISAT
Immikkut aalajangersagaqanngilaq
9. NUNALERALUNI NUNAMIK ATUINISSAMIK SOQUTIGININNERIT
Immikkut aalajangersagaqanngilaq
10. ATAATSIMUT ATORTULERSUUTIT
Immikkut aalajangersagaqanngilaq
11. PIGINNITTUT PEQATIGIIFII
Immikkut aalajangersagaqanngilaq
12. AVATANGIISIMIK MINGUTSITSINERMI KILLISSARITITAASUT
Immikkut aalajangersagaqanngilaq
13. ILLUT NUKISSIUUTINIK ATAARTUNIK ATUIFFIUSUT
Immikkut aalajangersagaqanngilaq
14. SANAARTORFISSAT PIUMASAQAATEQARFIUSUT
Immikkut aalajangersagaqanngilaq
15. SUMIIFFIIT NALORNINAATEQARSINNAASUT
Immikkut aalajangersagaqanngilaq
16. ATTANNEQARSINNAASUMIK INERIARTORTITSINERMUT PIUMASAQAATIT
Immikkut aalajangersagaqanngilaq
17. ATUILERNISSAMUT PIUMASAQAATIT
Imatut pisoqaqqaartinngu sanaartukkat nutaat atornegalissanngillat: • § 22.3 imm. 6 naapertorlugu biilini inissiivissaliisoqarpoq • § 22.6 imm. 1 naapertorlugu nuna ilusiatut aqqeqqinneqassaaq • Illuummut nunaminertat atasut atortullu ataatsimoorussat § 22.4 imm. 1 naapertorlugit pilersinneqarsimassapput Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput. • § 22.5, imm. 1 naapertorlugu sanaartukkat nutaat tamarmik pisortat innaallagissamut imermullu aqqutaataannut aamma kuuffissuaataannut attavilerneqassapput.

3. AKUERSISSUTEQARNERMI ATSIORNERIT

Matumuuna kommunimut pilersaarummut tapiliussaq 30C2-2 Attertumut-mi Eertasimappimut-milu qiterisaqarfik pillugu siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 07.10.2025 aamma sapaatit akunnerini 6-ni tusarniaassutigineqassaaq.


Kommuneqarfik Sermersooq ulloq 08.10.2025


Avaaraq Olsen
Borgmesteri

//


Ole Jakobsen
Kommunaldirektøri

Siunnersuutitut tamanut saqqummiunneqarpoq, ulloq 15.10.2025



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 30C2-2 //
Kommuneplantillæg 30C2-2

**ILISARNARATINUT NASSUIAATIT
SIGNATURFORKLARING**


-  Immikkoortumi aggulunerit //
Delområde inddeling
-  Immikkoortup ilaa 30C2 //
Delområde 30C2

-  Immikkuualuttoq // Detailområde
-  Illut // Bygninger
-  Aqqusineq // Vej

ILANNGUSSAQ 1 // BILAG 1

**IMMIKKOORTOQ 30C2 //
DELOMRÅDE 30C2**

Oktoberi 2025 //
Oktober 2025
Uutuut 1:2.500 // Skala 1:2.500
A4



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 30C2-2 //
Kommuneplantillæg 30C2-2

**ILISARNARATINUT NASSUIAATIT
SIGNATURFORKLARING**

-  Immikkoortup ilaa 30C2 // Delområde 30C2
-  Immikkuualuttoq // Detailområde
-  Sanaartorfissat // Byggefelter

-  Illut // Bygninger
-  Aqqusineeraq // Sti
-  Aqqusineq // Vej
-  Aqqusineeraq nutaaq // Ny sti

ILANNGUSSAQ 2 // BILAG 2

**SANAARTORFISSAT //
BYGGEFELTER**

Oktober 2025 //
Oktober 2025
Uutuut 1:2.500 // Skala 1:2.500
A4

Aappaluttoq // Rød



Sungaartog // Gul



Qorsuk // Grøn



Tungujortoq // Blå



Qaqortoq // Hvid



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 30C2-2 //
Kommuneplantillæg 30C2-2

ILANNGUSSAQ 3 // BILAG 3

**QALIPAATINUT
PILERSAARUT //
FARVEPLAN**

Oktoberi 2025 //
Oktober 2025

A4